

A O le tusitala o tusitusiga:

❖ O le faafalepuipuiina o Paulo

- I le ulua'i faafalepuipuiina o ia i Roma – i le va o le 60 ma le 62 TA – na tusia ai e Paulo e le ititi ifo i le lima ni tusi: i tagata Efeso, o tagata Filipi, o tagata Kolose, o Filemoni, ma le ekalesia i Laotikaia (lea e lei oo mai i a'i tatou).
- Talu ai e leai ni moliaga mamafa faasaga ia te ia, na faatagaina ai o ia e nofo i se fale mau totogi, ae leoleoina lava e le fitafita Roma (Galuega 28:16). O lenei na mafai ai e ia ona faaaauau pea ona ia folafola atu le talalelei, e oo lava i Leoleo a le Emepaea lava ia (Filipi 1:13).
- I le susesueina o tusi, ua mafai ona tatou iloa ai le toatele o tagata sa galulue faatasi ma Paulo (Kolose 4:7-14; Filemoni 23-24). Sa i ai foi la latou fesootaiga ma le aiga o Kaisara (Filipi 4:22).
- Sa i ai i le faamoemoe o Paulo e vave ona tatalaina o ia i tua (Filemoni 22), peitai o sona faamoemoe sa le o gatasi ina ua toe faafalepuipuiina faalua o ia (2Timoteo 4:6).

❖ Amepasa a'o noanoatia:

- Mai le taimi na filifili ai Paulo e avea ma Amepasa mo Keriso, sa lei faigofie lona soifuaga (2Korinito 6:4-5).
- O loo faamauina i le Tusi Paia e faatolu ona faafalepuipuiina Paulo ao lei avea o ia i Roma: i Filipi (Galuega 16:22-24); i Ierusalem (Galuega 23:10); ma Kaisareia (Galuega 23:33-35). Ae mautinoa lava e tele isi (2Korinito 11:23).
- I nei faigata uma, e le'i manatu lava Paulo faapea ua leai se fesoasoani (2Korinito 4:7-9). Ona o le le mafai ona sa'oloto le tala'iga, auā na avea lava o ia o se “Ampasa a'o loo noanoatia” (Efeso 6:20).
- Ua a'oa'oina i tatou i se uiga o Paulo e faapea, pe a tatou mafatia i le tala'iga o le talalelei, e tataua ona tuu atu lo tatou faatuatuaga atoatoa i le Atua; ma ia taofimauina Lana Afioga i le mafaufau (2Timoteo 2:15); pipii atu i le Agaga Paia, o le Fesoasoani sili na te aumaia le malosi ma le lototele i a'i tatou (Sakaria 4:6).

B Tagata e mauaina:

❖ Talafaasolopito o Filipi:

- I lana malaga faamisionare lona lua, na suia ai fuafuaga a Paulo. Sa taitaiina ona laasaga uma e le Agaga Paia (Galuega 16:6-12):
- O Filipi o le nofoaga lea na filifilia e le Agaga Paia e amataina ai le folafolaina atu o le Talalelei i Europa. I le avea ai o se aai atoatoa o Roma, na tuusaunoina ai tagata o Filipi mai le totogiina o lafoga ma avea ai ma tagata-nuu o Roma i le fanau mai.
- O le masani a Paulo pe a taunuu atu i se aai fou o le asiasi atu lea i le sunako. Peitai Filipi e leai se sunako! I le Sapati sa latou maua ai se nofoaga mo tapuaiga ma o iina sa latou tala'i atu ai i le faapotopotoga o fafine (Galuega 16:13).
- Mai lea fonotaga na tula'i mai ai le uluai tagata Europa na liua o: Litia. Sa papatisoina o ia, faatasi ai ma lona aiga atoa (Galuega 16:14-15).
- Ae le'i ma-nofonofo ai le fili. Na ia augani atu i se tagata vavalo ina ia faasesēina mafaufau o tagata e ala i lo latou faafoliga o loo latou lagolagoina Paulo (Galuega 16:16-17). Ina ua tatalaina le teine, ona amataina ai lea o faafitauli a Paulo ma Sila (Galuega 16:18-24).
- O le iuga: o le liuaina lea o le leoleo o le fale puipui ma lona aiga (Galuega 16:25-33). E leai se masalosalo i le mafuaaga na oo atu ai le Talalelei i Europa i le taitaiiga o le mana o le Aiga Paia.

❖ Talafaasolopito o Kolose:

- O Epafara o se soātau lea a Paulo a'o faafalepuipuiina o ia i Roma (Filemoni 23). O se tagata-nuu o Kolose (Kolose 4:12), o ia lea na faalauiloaina atu le talalelei i lea aai (Kolose 1:7).
- O Kolose o se aai lea i le itumalo o Ferukia, e latalata ane i Laotikaia ma Iarapoli, i le mea na tala'i ai foi Epafara (Kolose 4:13). Sa i ai le toatele o tagata lutaia. O se tasi o lutaia iloga sa nofo ai i lea mea o Filemoni, sa galulue faatasi ma Paulo, o lona fale sa potopoto ai le ekalesia (Filemoni 1-2).
- O se tasi o pologa a Filemoni, o Onesemo, na sola i Roma, lea na ia talia ai Iesu e auala ia Paulo (Filemoni 1:10-11). E ala i le toe faafoi atu o Onesemo i lona matai, na faailoa atu ai e Paulo le sootaga e tataua ona i ai i le va feagai ai o matai ma pologa, poo e maualuluga ma e i lalo ifo (Filemoni 12-17).

❖ O ekalesia a Kolose ma Filipi:

- O Faatomuaga o tusi i tagata Filipi ma tagata Kolose, e tali tutusa lava, o loo faaalua mai ai i a'i tatou ni vaega taua se lua (Filipi 1:1; Kolose 1:1-2)
 - (1) I le silafaga a le Atua, e paia ma faamaoni tagata lotu e ui lava i ni o latou faaletonu
 - (2) I le ekalesia ua i ai se faatulagana, e i ai nisi o sui e sili atu la latou pule ma tiute tauave nai lo isi:
 - (a) O Paulo o le aposetolo, o se taitai maua luga
 - (b) O Timoteo o lona soātau (faifeau)
 - (c) O epikopo o taitai i le lotoifale (toeaiina)
 - (d) Mai le falepuipui, na faafetai atu ai Paulo i tagata Filipi ona o fesoasoani na ia maua mai ia tei latou (Filipi 4:18).
- Mai le falepuipui, na faafetai atu ai Paulo i tagata Filipi ona o fesoasoani na ia maua mai ia tei latou (Filipi 4:18).
- I tagata Kolose, na ia auina atu i ai ona soātau e fesoasoani i ai latou (Kolose 4:7-9).